



Publicaziuns dalla vischnaunca, jamna 49

Cussegl da vischnaunca

Il cussegl da vischnaunca seraduna **venderdis, ils 14 da december 2018**, allas 19.00 en halla Cons.

Tractandas:

1. Protocol 15-2017/2020
2. Verificaziun dall'elecziun complementara dalla suprastanza communal diils 25 da november 2018
3. Lescha davart il dretg da burgheis: Revisiun parziala (messadi nr. 27-2017/2020)
4. Postulat davart realisar in project d'ina rundella ed in sutpassadi per procurar la segirtad dil traffic d'autos, pedunzs e velocipedists ad Acla da Fontauna: Rapport (postulat P1-2017/2020)
5. Agenda 2019
6. Ura da damondas (conform ad art. 44 dil regulativ da fatschentas)
7. Elecziuns:
 - 7.1 dil president ni dalla presidenta dil cussegl da vischnaunca per 2019
 - 7.2 dil vicepresidente ni dalla vicepresidenta dil cussegl da vischnaunca per 2019
 - 7.3 dil vicepresidente communal per 2019/20
 - 7.4 d'in commember ella cumissiun preparatoria per la revisiun parziala dalla planisaziun locala
8. Saramentaziun dil niev gerau
9. Undraziun

Il president dil cussegl da vischnaunca

Cussegl da vischnaunca Elecziun complementara

Ils 25 da november 2018 han las votantas ed ils votants da Mustér eligi cusseglier Wendelin Jacomet sco niev gerau. Cheutras sa Wendelin Jacomet buca pli far part dil parlament communal. Per completar il cussegl da vischnaunca pil rest dalla perioda d'uffeci 2017/2020 vegn instradau in'elecziun complementara. La suprastanza communal ha, conform alla lescha davart ils dretgs politics, fixau ils suandonts termins: L'elecziun complementara d'ina commembra ni d'in commember dil cussegl da vischnaunca ha liug **dumengia, ils 10 da fevrer 2019**.

Vischinadis, partidas politics localas ni gruppas da silmeins 15 votantas e votants san proponer entochen 30 dis avon l'elecziun candidatas e candidats. Las propostas ein da far a scret e d'inoltrar entochen **gievgia, ils 10 da schaner 2019** all'administraziun communal.

Suprastanza communal

Scaldaments mobils el liber

Bulius da scaldar, radiators, radiators d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvcultura dil Grischun relaschau suandonta disposiziun:

1. Per mintga aparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl aparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl aparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO₂ succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. Myclimate). Per apparats da scaldar electrici sa l'obligaziun da



cumpensar l'immissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG). Las vignettas san vegnir retratgas tier l'administraziun communal.

Disentis/Mustér, ils 2 d'october 2018
Administraziun communal

Premi Desertina 2019

Nus envidein vischinas e vischins sco era uniuns ed instituziuns da far propostas per nominaziuns. Las propostas ein d'inoltrar entochen ils **17 da december 2018** alla presidenta dalla cumissiun, geraua Jris Lombris, Via Dulezi 6, 7180 Disentis/Mustér.

Las propostas san era vegnir annunziadas via posta electronica all'adressa jris.lombris@kns.ch.

Premiai vegnan persunas privatas sco era instituziuns ed organisaziuns. Ils undrai ston esser domiciliai en vischnaunca ni haver ina relaziun speciala cun la vischnaunca (www.disentis.ch/downloads/spurtegl_virtual/leschas/300_Regulativ_davart_il_Premi_Desertina).

Cumissiun Premi Desertina

Pigniel da Nadal 2018

Il menaschi tecnic dalla vischnaunca da Mustér organisescha uonn la vendita da pigneuls da Nadal. Ei vegn vendiu pignola mo sin empustaziun. Il pigniel sa vegnir retratgs ils 20 da december 2018 naven dallas 9.00 tochen allas 14.00 avon il luvratori dil menaschi tecnic a Cuoz. Sin giavisch e per in prezi surpli da frs. 5.– vegn il pigniel era furnius avon casa.

Il pigniel sa vegnir empustaus cul talun aschuntau **entochen ils 13 da december 2018 tier:**

Uffeci forestal, Caum postal 57,
7180 Disentis/Mustér, tel. 081 920 36 36,
e-mail: uaul@disentis.ch
Bien engraziament

Talun d'empustaziun:

Num: Prenum:
Adressa: Telefon:

Pégn (Rottanne)	1,10–1,50 m frs. 26.– tocs
	1,60–2,00 m frs. 29.– tocs
	2,10–2,50 m frs. 33.– tocs
Viez (Weisstanne)	1,20–1,70 m frs. 38.– tocs
	1,80–2,50 m frs. 43.– tocs
Pégn da Nordmann	1,10–1,50 m frs. 41.– tocs
	1,60–2,00 m frs. 56.– tocs
	2,10–2,50 m frs. 78.– tocs

Pinar sez il pigniel da Nadal!

Igl uffeci forestal dat era uonn la pussevkladad a mintga habitont ni hosp da Mustér dad ir egl uaul a pinar gratuitamein il pigniel da Nadal giavischau. Il selvicultur communal accumpogna ils interessai e dat in ni l'auter cussegl.

Nus s'entupei cun resti cauld, buns calzers ed in resgiut:

sonda, ils 22 da december 2018, allas 9.30 Il liug da sentupada vegn publicaus quater dis avon sut www.disentis.ch/uaul.



Tagliar pignola en uauls da schurmetg, plontaziuns sco era ord seivs da schurmetg ei scumandau! Per sclariment stat il selvicultur Simon Cathomen bugen a disposiziun.

Uffeci forestal Disentis/Mustér

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev **sonda, ils 29 da december 2018** naven dallas 16.00 en halla Cons. Igl aperitiv vegn offerius cun sustegn dalla vischnaunca. Ord motivs d'organisaziun essan nus engrazievels per Voss'annunzia entochen dumengia, ils 16 da december 2018 cun indicar il num ed il diember da personas sut e-mail event@igzwd.ch ni telefon 076 463 66 61, WhatsApp: 076 463 66 61
In'annunzia ei buc obligatoria e nus selegrein sin stedia participaziun ed in interessant ed inspiront scomi da meinis. *Cuminonza d'interess da proprietaris da habitaziuns secundaras Interessengemeinschaft Zweitwohnungseigentümer Disentis*

Clom da quens

Il quen communal vegn serraus giu cun **ils 31 da december 2018**. Per saver risguardar las expensas occurridas uonn el quen 2018, ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils 20 da december 2018. Nus supplichein tuttas firmas sco era tut ils officials dalla vischnaunca d'observar quei termin.

Administraziun communal

Controlla da habitonts Naschientscha

Siana Bisquolm, naschida ils 12 da november 2018,
feglia dad Adela e Simon Bisquolm

Clom d'urgenza 118

Preziadas vischinas, preziai vischins S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz. Engraziel per Vies sustegn! *Vos Pumpiers Sursassiala*

S. Clau da Funs/Latis/Clavaniev

Sco usitau s'entaupan ils vischins e las vischinas da Funs, Latis e Clavaniev ils **8-12-2018** suenter messa da S. Clau, allas 17.00 el curtgin dalla «villa». Plinavon dat ei era uonn in program special pils affons. Per dapli informaziuns: Aurelia Flepp, 076 533 83 60. Bugen fa il Sontgaclau era ina viseta tier Vus a casa. S. Clau Clavaniev: Fabio Flepp fabio@flepps.ch Funs/Latis: Rafael Jacomet, rafael.jacomet@gmx.ch
Nus selegrein sin ina biala sera da Sontgaclau.

UG Funs, Latis e Clavaniev



Caffè d'advent en biblioteca

Gievgia, ils 13 da december 2018 dallas 15.00–17.30 Vus essas cordialmein envidai da guder in mument da repaus tier caffè e petta en nossa biblioteca cun decoraziun festiva da Nadal. Nus selegrein sin Vossa viseta.

Biblioteca populara Disentis/Mustér e contuorn

Café Zeitlos a Mustér

Café Zeitlos – in liug da sentupada per persunas cun ina demenza, per tierparents ed interessai. In liug per passentar in suentermiezdi emperneivel, per s'informar e s'incuntrar. Ei drova negina annunzia. Il Café Zeitlos ei gratuits ed aviarts per tuts. La consumaziun surpren la PUNTREIS Center da sanadad.

Datums per 2018:

venderdis, 14 da december

Dallas 14.00–16.00 en PUNTREIS Center da sanadad, Via Cons 11, 7180 Mustér. Nus selegrein da Vossa viseta!

Fiasta dil vitg Mustér

17 d'uost 2019

Fai il vitg tier tia tribuna – s'annunzia uss e sepresenta alla fiasta dil vitg. Eis ti gia daditg buca pli semussaus publicamein ni has forse aunc buca giu la caschun da demussar tiu talent musical avon in grond publicum? Lu dein nus a ti la caschun leutier. Sut il motto «Veta el vitg» dat ei alla fiasta dil vitg Mustér dils 17 d'uost 2019 aunc dapli musica – ed aschia tia schanza da sepresentar. Tarmetta simplamein in cuort tape da demo (video ni soundfile) a fiastadilvitg@vivadisentis.ch, e lu sas rockar la stad nossa val. L'invitaziun sedrezza ad artists singuls ni gruppas dalla regiun Surselva. Il comite d'organisaziun fa l'elecziun. Tarmetta ti'annunzia entochen gievgia, ils 31 da schaner 2019. Nus selegrein!

Seniora-Ca

Invitaziun, gievgia, ils 13 da december 2018 allas 13.45, ella Puntreis:

«Lavinas al Lucmagn» cun Ciprian Giger

Meisa da miezdi organisada da Seniora-Ca e Puntreis

Entschatta allas 12.15 en Puntreis Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

Post d'informaziun Seniora-Ca

Uniun da dunnas Disentis/Mustér

Sontgaclau viseta ils seniors Dumengia, ils 9 da december 2018 dallas 13.30 entochen allas 16.00 en halla Cons.

Cun grond plascher envidein nus convischinas e convischins da 60 onns ensi alla sentupada tradiziunala cun Sontgaclau. Cun in pign program, la viseta da Sontgaclau ed in puschegn lein nus porscher a Vus in per emperneivlas uras en buna cumpignia. Accumpignament musical: Theres e Richard Gadola Burri. Nus selegrein da passentar ensemen cun Vus in bi suentermiezdi.



Uniun samaritana Mustér

Preziadas samaritanas, prezias samaritans, per nossa sera d'advent s'entupeiin nus **gliendisdis, ils 10 da december** allas 19.30 ell'ustria «Cresta» a Segnas. Il bus parta allas 19.15 naven dalla halla Cons. Ei vegn offeriu a tuts participonts l'usitada tscheina e nus lein guder in per bialas uras en buna cumpignia. Selegrond sin stedia participaziun

Il scolast e las scolastas dall'uniun

Kerzenziehen

In Mompé-Medel im Stall von Armin Manetsch und Priska Müller: **Samstag, 15.12.2018**, von 16–22 Uhr und **Sonntag, 16.12.2018**, von 11–18 Uhr. Natürlich darf eine Kaffeestube mit verschiedenen Kuchen und Torten sowie Wienerli mit Brot oder Fondue nicht fehlen. Auf euren Besuch freuen wir uns sehr.

Familie Müller und Manetsch

Controllas per apparats d'udida

Gliendisdis, ils 17 da december 2018 saveis Vus schar schubergiar e rugalar Vies apparat d'udida:
9.15–10.30 en Casa sogn Martin a Trun
11.00–11.45 en Casa sogn Giusep a Cumpadials
13.15–14.30 el Puntreis, Center da sanadad a Mustér
Las firmas Amplifon cun dunna Roffler, e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.